

尹文端公詩集

尹文端公詩集卷第八

章佳尹繼善元

和李鶴峯學使重遊攝山見贈韻時重陽日西園
小集

聞君又聽隔林鐘石徑曾諳處處通自愛山光如舊好
寧云樹色遜春融登峯人立層雲上臨水詩吟夕照中
蠟屐遍遊清興好樽前詠酒與誰同

昔年駐節西湖畔勝蹟還應讓武林回首幾番成夢幻
重來到處徧棠陰簾橫斜月三秋淡座滿清風翠竹深

小聚渾忘更漏轉
霏霏涼露點衣襟

重陽後再遊攝山仍用前韻

又從林外遠聞鐘
久識仙源路可通
樹老迎霜偏翠藹
山高近日更昭融
鳥聲靜入秋聲裏
雲影閒橫塔影中
勝地來遊知幾次
那能舊雨屢相同

老來逸興還如舊
留戀斜陽對茂林
把酒已難酬令節
看花不厭坐層陰
諸峯羅列同今古
一水平分各淺深
待月遲歸村路晚
飄颻涼葉點塵襟

再疊韻寄懷鶴峯

遙聽疎林響梵鐘，崎嶇每似路難通。
山迎霽日千巖翠，佛映澄波萬象融。
遠眺直窮帆影外，長吟半在鳥聲中。
遊踪已遍人先返，未得扶筇片刻同。

行雲無意來還去，紅葉初看染半林。
懷友幾番酬舊韻，愛山也似惜分陰。
峯高只覺長江小，樹密難窺衆壑深。
許寄雙魚猶記否，待君尺素一開襟。

鶴峯許寄新詩

重陽後再遊攝山接鶴峯前三日夜遊攝山詩依韻和答

未得同君去，尋秋上攝山。
遙知星月夜，正到水雲間。
駐

馬嵐光映探幽樹影環石林高下路乘興好躋攀
直似蓬萊境休誇金谷園虛亭懸木杪遠水接山根露
下蒼苔潤風來落葉繁靜中聞鳥喚可認是啼猿
置身千仞表應愛最高峯俯聽泉鳴澗平看石抱松雲
霞三面合談笑幾人從坐久添吟思僧敲別院鐘
極目鴻飛處凌空塔影高山明如冠玉崖疊似奔濤茗
盃鑪香伴詩囊酒榼挑勝遊知幾度莫厭馬蹄勞
憶昔登臨始猶然草樹荒穿林開曲徑鑿石起層梁池
映天光蒲橋通練影長四時花柳色不異錦屏張

笑予身尚健攜杖陟層巒暮靄凝黃菊空江淨碧湍懷
人秋樹遠題句夜燈寒何日欣連袂溪山共飽看

和張少儀重過西園見贈韻

萍蹤無定似虛舟何意西園復唱酬早植垂楊皆老大
敢同綠野比清幽情深不厭挑燈話才拙仍期借箸謀
萬里鵬飛知有日漫將心事付閒鷗

自笑登臨力尚強勝遊無暇共攜觴應誇樹影連雲影
可愛山光接水光驛路秋風人漸遠屋梁落月夢初長
寄來好句添佳興吟對黃花字亦香

疊前韻寄少儀

屈指應將上小舟，躋攀有願可全酬。
雲橫鐵甕秋將晚，雨洗金山景倍幽。
家近定牽松菊夢，囊空豈屑稻粱謀。
笙歌十里揚州路，誰識征帆傍野鷗。
少儀曾云過揚州時不暇停船
才華有幾似君強，猶憶臨行屢勸觴。
半日難留憐過客，卅年轉瞬感韶光。
鱗鴻寄我詩新舊，風雨懷人夜短長。
知否別來霜漸冷，花殘老圃剩餘香。

癸未孟冬奉

命會勘濰河紀事兼贈裘叔度少宰即用少宰途中書

懷舊韻

手捧

絲綸墨未乾安瀾已奏益求安

恩深澤國真無已老慣長途敢畏難
一夜西風新雨霽片帆斜日暮江寒
眼前林壑皆堪賞未暇停車仔細看
霜落楓林葉半乾行來眠食喜初安
虛心何慮同心少敬事彌知處事難
廿載論交華髮滿幾番感舊夜燈寒
黃茆岡畔浮圖影猶記聯吟駐馬看

禾黍盈塲水漸乾周巡稍覺寸心安
歸猶乘傳

禁非偶

詔許迎親世所難
畫錦正當萱草茂
皇華暫受曉風寒
村農競喜來

天使童叟相呼載道看

滁州道中用前韻寄牧村

澍雨初過土未乾
春收有兆衆情安
年豐敢謂勞心少
道遠還愁努力難
紅葉半依蕭寺古
雄關獨據曉風寒
醉翁亭被雲遮斷
不許風塵俗眼看

道經滁州望醉翁亭和牧村韻

四面環山是舊州幾番策杖記前遊
亭邊小憇思翁醉石上長吟對水流
聞說古梅今尚茂曾添綠柳近應稠
驅車欲過頻回首不禁低徊憶遠猷

疊前韻

與君約畧說滁州永叔當年載酒遊
一自林泉經嘯咏至今山水尚風流
琅琊寺外松杉古豐樂亭前黍稷稠
七百年来遺跡邈猶聞野老說芳猷

固鎮曉發是日乍寒

雞聲底用喚行人歷慣風霜是此身
旅館尚難安夢寢

茅簷誰復問酸辛
每因筆凍詩還減
一任心寒酒不親
牧村有寒重吟到五更涼月句
知君縮頸又含嚙
酒無靈句

宿州道中

柳岸行來又一州
豈同無事作閒遊
每看含哺人皆喜
猶憶環村水亂流
樹老何妨霜雪冷
鴈多也為稻梁稠
撫綏久愧無長策
老矣何能咏壯猷

宿州即事

荒村欲暮見歸鴉
半入疎林日影斜
縱有經霜楓葉好
晚紅終覺遜春花

禾稼登場麥又青
問農時駐短長亭
蒼黎說到君恩重
額手車前涕欲零

臨風何事感伶仃
雁逐行雲未暫停
騎竹兒童相告語
尚書髣髴更星星

轍迹于今遍九州
多年南國尚遲留
行來但得民安堵
冒雪衝寒也不愁

與牧村論詩口占

舟橫頻問渡
葉落見峯青
綠酒臨風酌
新歌對月聽
老知詩律細
巧愛匠心靈
莫謂經營易
拈髭手不停

疊前韻

可與言詩少詩來眼倍青
非從驢背得時雜雁聲
聽力倦吟常苦年衰筆不靈
醉能添雅興莫放酒杯停

自省

蒼生屬望是何人
疾痛原應繫我身
每為才疎常抱愧
只因任重轉忘辛
虛公總在心無我
擘畫均應手自親
白髮鬢髮真老矣
自家掄指自含頻

重過滁州

隔林十里見滁州
又為遄歸負勝遊
馬踏層雲尋古徑

人衝曉霧度清流高山在望泉聲遠野鳥空啼樹影稠
一醉豈稱賢太守應從同樂想同憂

到家前一日和程景陶途中有感

東南風細曉寒輕屈指惟餘一日程詩句全酬無舊債
歸心欲速亦常情登車不顧辭山色回首應還憶水聲
是日過滁有水聲潺潺未到三更頻問夜笑予何事必宵征

途中有感疊前韻

從來任重此身輕白髮馳驅不計程千里關山今日夢
三冬霜雪故人情風高難定行雲影春近何嫌落葉聲

又向江頭同問渡片帆收處且停征

寄懷李鶴峯學使仍用秋日遊攝山韻

白門夜雨聽疎鐘千里懷人有夢通老圃記陪吟令節
官梅又喜近春融剖魚詩句來江外展卷鬚耆入畫中
時寄小照索題不繫舟橫風漸冷未知兩地可相同

棲霞不是秋天景楓葉旋成玉樹林踏雪重瞻千佛相

臨風又坐萬松陰

余于冬至後又過栖霞

好山無碍峯全現碧沼

新開水更深

時移去紫峯閣並開新池

知接此詩吟罷後憑欄遙望

一披襟

岳蕉園因予赴京不果寄詩吟懷卽和來韻

長安壯望怕登樓老去時時憶舊遊
雅會無緣遲握手陽春有信可消愁
花間得句燕山月江上懷人白鷺洲
歲暮幾回勞遠夢奈因風雪暫停騶

以近况寄蕉園仍次前韻

雪後山光盡入樓公餘亦復作閑遊
只因偶得新詩喜不為頻添白髮愁
曲榭渾如真畫舫清池畧似小瀛洲
邇來况味君知否一月馳驅始駐騶

時予甫勘
濰河回署

寄岳蕉園再和前韻

古市長安舊酒樓
謫仙策杖可遨遊
家貧不改琴書樂
歲暮應添桂玉愁
臘雪何人憐釣叟
寒梅有夢憶江洲
明年過訪敲門日
好倚垂楊繫絳騶

五兒慶霖新補弓匠曹長蕉園以詩賀壻依韻賦
勉慶霖

亦是百夫長
勉為君子強
行隨香案吏
侍近羽林郎
負弩年方壯
前驅日正長
何須工筆墨
門戶始生光

冬日再遊栖霞

蒼松層疊映高樓
策杖相招又暫遊
雅興誰能多似我

老年歡不少于愁霜天翠色山迎客月夜寒聲雁度洲
池畔枯梅如解語笑人花下促鳴騶

雲裏青峯塔外樓十年難記幾番遊却緣到處堪行樂
寧為看山始解愁彼岸長流功德水人間也有鳳麟洲
探幽不覺歸途晚每遇林深即駐騶

何須更上一層樓到此真堪愜勝遊古樹常青山不老
慈航難度佛應愁徒從海外思三島誰識江頭即十洲
佇看紅塵催我去高僧拄杖送鳴騶

攝山贈別牧村歸里

舊雨連床傍小樓幾多勝境未曾遊且同遣興添新咏
漫為思歸動旅愁古寺鐘聲寒夜月遙天樹影晚江洲
明朝此地難分手欲去還應暫繫騶

別攝山

鞭絲又指石城樓何日招攜擬再遊送友無端添別緒
辭山也覺動離愁閑雲轉眼迎新客紅葉回頭隔遠洲
野老不知忙底事笑看小隊逐前騶

題李鶴峯學使雁蕩觀瀑圖

三吳兩浙多名勝好峯如黛波如鏡青雲使者駐輶車

山水之間悅情性石門觀瀑曾有詩珠玉落落何紛披

鶴峯學使曾見示石門觀瀑長句

寒山聽雪更瀟灑生綃一幅親摹之

鶴峯向有聽雪圖照幾時蠟屐遊雁蕩快覩銀濤落青嶂又寫靈

竒入畫中噴雲濺雨饒奔放笑我風塵四十年湖山經過亦流連何曾印爪留佳話祇憶登臨尚宛然昔時喜作錢塘客三竺六橋隨杖策惜未探幽至永嘉一望寒泉練光白今披此卷得分明紙上似有波瀾生足為前遊補其缺令我片刻襟懷清公今使節移江左勝蹟閑尋無不可秋來重作白門遊鍾愛攝山殊似我攝山林

壑總堪娛只少泉飛碧澗隅不知功德池邊水可許龍
湫相似無

和宋寶岩除夕

漫唱清歌歲暮天聽傳好句總堪憐
恰逢舊雪連新雪又逐來年送去年
久客無聊強小集老人少睡故遲眠
春回若問何消遣笑指梅花古樹邊

前韻

歷遍寒風朔雪天鏡中顧影亦相憐
人因守歲頻呼酒我值開春怕問年
兒女環堵家有慶湖山入夢底無眠

時將有勸
河之行

老來只是平安好不望佳音到耳邊

和鈕牧村滁陽道中遇雪

積素盈疇比戶寧臨風底事感飄零
且吟白雪添新調
難向寒山借舊青天作飛花成片片
樹如老鬢亦星星
西南林壑無緣訪一望迷茫失古亭

柳絮空誇勝白綿那能瑞應早春前
無香有色真堪賞
似璧如圭惜不堅卅載風雲疑短夢
幾番跋涉藉羣賢
更憐倦馬嘶長路歷遍江淮未息肩

雪霽

宋王忠文公詩集卷八
十一
徹夜西風總不寧雪花也覺易凋零山凝碎玉頭仍白
柳洩春光眼欲青月落三更尋古渡雲開四野見殘星
征夫况瘁覓前路又過勞勞水畔亭

却笑重裘似薄絲幾回添著曉風前歲占大有人皆喜
春遇祁寒凍尚堅甘苦同嘗憐舊雨雲山在望憶高賢
時近雲龍山放鶴亭新詩得句知何處茅店雞聲輿一肩

彭城道中

此身雖倦此心寧雪潤咸云勝露零回首關山千樹白
勞形簿領一燈青衰年興減忘佳節驛路喧傳候使星

未識梅花開放否宵來夢不到池亭

雪消亦似軟于綿為有陽和在眼前好樹逢春生意早

駑駘無力壯心堅亭傳白鶴思高士像謁黃樓仰昔賢

郡城黃樓有二蘇遺像

手植青松今亦老笑同桃李許隨肩

黃茆岡畔

舊種松筠甚多

感懷

夜半寒聲枕未寧簷前恍似雨初零梅因雪霽終舒蕊
山待春深始放青往事依稀憐過隙故人寥落感晨星
舊友多未同行途間勝蹟多虛度不獨滁南六一亭

七十終過力已綿難將好景溯從前衝寒正喜風將轉
履薄還防足未堅來去何常看旅雁勤勞無補愧諸賢
隨時得句應同賞屢向知音笑拍肩

寄向

故鄉却似在江寧豈為思家有淚零別後無眠嫌夜永
行來到處愛山青每看野店三更月知望銀河兩岸星
石徑風微斜照裏尋梅可到小池亭

正因被薄欲裝綿又接音書短榻前對雪遙思長路冷
圍爐更慮曉冰堅不言家事知余苦頻寄征衣賴汝賢

依舊踈狂應笑否偷閒時復聳吟肩

會勘荆山橋和崔拙圃撫軍見贈

知心濶別已多年忽向長橋共往還白雪相憐新鬢髮

靈巖猶憶好山川

辛巳同遊山東靈巖

未能作楫迷前渡有約登

樓愧昔賢

蘇子瞻守徐築堤治河民享其利黃樓有遺像存焉

石畔蒼松今更老

春風雖到不爭妍

峻塔層岡入望賒不禁回首感韶華風迴驛路猶飄霰

春冷山城未見花望遠難招雲外鶴憂民欲濟井中蛙

衝寒日暮停車處又宿茅簷第幾家

會勘荆山河贈葉冠霞總河仍用前韻

一別匆匆忽十年相逢恰似好春還東風漸見消殘雪
畫梁叨陪涉巨川旌節重來棠樹老兒童尚說使君賢
冠霞曾官銅山遺愛猶存隔堤水濶青疇遠攬轡同看霽景妍

回憶同舟歲已賒又從河上度年華看山再過曾遊寺
把酒難尋舊種花老去長征如倦馬興來高唱似鳴蛙
可知澤國今非昔望裏盈寧億萬家

和鈕牧村留別韻即以送行

每勞琴劍伴青驄記共馳驅二載中千里關山勞遠夢

三更霜雪耐寒風，魂消南浦難分手。
事失良朋，少折衷蓮幕，豈應長托足。
高飛尚望羽毛豐。

相聚從無不散場，臨行執手復旁皇。
樽前聽我歌三疊，別後懷人字幾行。
遠路關心春尚冷，舊遊回首夢應長。
借青居畔空懸榻，落月何堪照屋梁。

和堦良檢討秋懷

教人無奈別離何

用唐人句

駒隙韶光一瞬過，數載牽情勞

蝶夢雙魚有信望。
江波燕臺雪霽春暉暖，南國風和柳色多。
寄到新詩知念我，開緘對月屢吟哦。

予七十初度奉

召入都周青原賦詩預祝兼以送行途中依韻和寄並

勗書院諸生

詩咏甘棠憶召公枉教宦跡遍南東官齋種樹年雖久

卷石為山望豈隆

西園累石成山

御筆親書臣誕日

于生日前到京

硃批奏摺令片帆飛挂暮春風

却慚駑馬嘶前路仍上天衢傍玉驄

無聞七十媿為師濟濟人多獻壽卮又放新花衰眼看

不嫌老圃寸心知先期漫咏添籌句小別還歌祖道詩

望趨青年俱努力莫忘夜話剪燈時

登程正值月初旬共說尚書鬢似銀山現青峯留舊雨

時過攝山柳舒綠葉送行人多君風雅超塵俗愧我遭

逢邁等倫剩有清狂心未改一編處處摠隨身

休誇卅載列三台蒲柳全資雨露培節鉞頻持無小補

門牆有樂得英才相期德業時精進不獨詩文細剪裁

字托雙魚何處所江頭待渡曉雲開

舟中和嵇拙修宗伯寄祝

一接瑤槭眼倍明幾回遙望暮雲平三春懷友添離緒

千里稱觴見惘誠白髮頻搔思故我黃梁未醒感浮生
新詩朗誦蓬窓下彷彿如聞笑語聲

東風拂拂送行船逾格

恩榮為老年花柳將過春九十湖山不斷路三千閒雲
自在青天外好景仍多夕照邊欲答深情佳句少聊憑
魚雁寄吟箋

和熊滌齋先生贈祝

溫綸初降墨猶新細雨頻催謁

紫宸共向雲中看老鶴還從林下別仙椿八旬前輩人

原少數世通家誼倍真此後韶光須愛惜杖藜同賞百
年春

髮白偏宜景物妍頻貽手蹟壁間懸看花詩又添新咏
種樹人同感昔年矍鑠差堪惟我似風流更復讓誰先
只期得伴長生叟何必登仙羨僊仝

暮春途次山東偶見落花作送春歌遣興

如水流光不肯住已過芳春七十度每逢春到百花妍
今年花滿山東路霧中拭眼看未清旋見紛紛落無數
只愁落後不重開惜春時坐落花處共言無計可留春

我云一任春來去君不見夏月清荷放綠池秋容黃菊
香老圃古柏經冬翠掃空寒梅映雪花千樹造物栽培
何後先敷榮自古分新故應知四時皆是春人生隨分
饒佳趣年季況有好春回漫對殘紅嗟日暮

過雄縣贈徐梅麓觀察用前韻

老人家在荒城住紛紛車馬門前度是時正值晚春天
柳拂長橋花滿路笑我風塵四十年此地經過不知數
又因訪舊一停驂幽齋更在林深處北窻高枕傲羲皇
卧看行雲自來去蕭然茗椀伴琴書左見桑麻右塲圃

有時含笑弄諸孫
隨意攜筇依古樹
別來轉眼歷三春
矍鑠童顏仍似故
樂事無過歲月閑
閒中處處饒真趣
見君又是別君時
執手低徊歌日暮

恭和

御製鶴安齋放鶴元韻

造化悉生機

宸衷默評校物與
遍無私原非專所好
閬苑集仙禽晨夕
聽清叫咸各得其所
亦為仁者樂
歛翮佳蓬萊詎忍
首頻掉

詔許縱所如

鴻慈孰能效海天去自遙飲啄

恩難報放之應復來鵲鸞本同調即此愛物心何慮民
無告時時念飛鴻總為謀梁稻笑彼放鶴亭空有高人
操

恭和

御製喜雨元韻

甘霖初夏溥應候勝春膏遠樹添新翠平湖漲綠濤共
看民氣樂誰識

聖心勞卜稔紆

宵旰揮絃解鬱陶
麥稠輕浪疊山淨
晚雲高更為時晴
喜賡吟染玉毫

恭和

御製樹根榻歌元韻

樹根離奇勢屈盤
象形為榻從何年
色饒古秀含蒼烟
御殿橫陳取自然
不雕不琢完其天
即物命名無拘牽
或平如掌曲如拳
樸質奚須斤斧鑢

萬幾餘暇居之安
仙槎疑泛開

天顏有時卧看星斗懸
靈根默會心坦然
七寶床依白玉欄
鏤金飾翠何鮮妍
自移此榻黼座前
轉覺茅茨勝細旃

聖躬詎肯習靜便
念民衽席難高眠

甲申四月八日七十初度奉

召先期赴

闕旋拜

寵命入閣仍留兩江總督之任

賜賚便蕃恭成紀

恩詩十四首

好景從來在晚春

帝心垂眷古稀人數千里外

頒溫詔開著黃扉待老臣

三十餘年擁節麾才長無補寸心知何期驛路馳星日
已是深宮計日時

舊沙堤上築新沙似此

恩榮有幾家說與兒孫須努力

兩朝父子領黃麻

經術家傳素未嫻
韋平虛譽播人間
翻堦紅藥清嚴地
恰列先臣舊坐班

蓬閣曾遊院宇深
花磚日影記經臨
依然四十年前景
白髮蕭蕭得再尋

喜見華簪集鳳池
後先爭發上林枝
至尊也替詞臣喜
親問瀛洲到任時

寶翰叨承凡幾次
久看瑞彩耀中庭
受蒙介祉題新額

蒲柳從今望永齡

介祉御賜韋平
四字額

曉日瞳矓暖向晨
謝

恩爭看

賜衣新哀年何幸披華袞拜舞心驚顧影頻

仙厨玉饌

賜交加稽首擎杯泛紫霞贏得都人誇盛事無邊

寵錫自天家

命數推排那足論延年

聖諭藹春溫方知馬齒皆

天賜駕鉞難酬秣飼恩

舊有星士推臣命數得年六十

後皆恩賜之年也

上謂臣壽必不止此嗣

入直長隨禁侍班從游看盡好溪山
哀步履蹒跚甚時在

龍顏一笑間

秘閣幾餘發

睿思正逢澍雨滿郊時不嫌禿管無生趣也許濡毫作
和詩

陞辭千里返征輪回首雲霄隔

紫宸親受

天家無量福還思分與兩江民

南國春回望

六飛喜同父老迂青旗承

恩已許依

中禁好傍

鑾輿扈從歸

恭和

御製月露風雲四首元韻

月

一片輝光滿大千海天長見玉輪圓
盈虧自具清明體

顯晦誰叅造化權似鏡無人私照也如梭與日並行焉
每吟對影成三句笑彼銜杯樂聖賢

露

共沐灩灩湛露滋應知大化本無私每當月白風清夜
想見花明葉潤時瑞滴皐蘭疑細雨珠盈仙掌勝凝脂
江頭轉眼蒹葭冷何事成霜欲問伊

風

樹不鳴條扇好風休徵曰聖可相同吹來雨勢如排陳
鼓動生機似發蒙細草咸沾君子德南薰遠勝大王雄

年季幾度催花信
噓拂常看遍紫紅

雲

近傍蓬萊五色分
朝來入望更氤氲
飛揚有句思前漢
糾縵興歌繼放勛
出自山川旋作雨
散為霞彩亦成文
縱云聚散渾無定
捧日從龍摠不羣

和袁子才謝贈素心蘭韻

為惜芳菲手種蘭
聊分素蕊贈君看
不愁空谷同心少
恐對紅妝出色難
秀愛盈陔秋日永
祥占入夢夜香寒
懸知小院橫琴處
作捺還從月下彈

贈子才素蘭並系以詩

不是尋常舊贈蘭
問君鎮日幾回看
草堪作佩香彌遠
花到論心素亦難
久傍紅蘭原雅淡
近依碧水更清寒
卅年培養知多少
物換星移一指彈

別蘭

素心客愛素心蘭
應共秋容一樣看
種樹頻嗟年歲久
送花也覺別離難
莫嫌嫩蕊連枝少
好護清香入夜寒
移去恰逢垂白露
恍如有淚向人彈

憶蘭

不是花中獨愛蘭素心能得幾枝看時逢秋日重開少
一去深山欲見難縱有馨香偏冷淡便沾雨露亦清寒
相思苦似懷良友對月援琴曲再彈

江寧驛鹽道署西偏舊有小齋數楹余于三十年
前曾一至焉監司南疇高君遷任于此余前以公
事過訪見庭院荒蕪不治因戲題四截句甲申秋
再至則增葺一新而樸素未改余嘉其政理清勤
無能屏去紛華也仍疊前韻贈之

物換星移那可論卅年老樹至今存自從哲匠重經畫

風景居然是小園

曲徑行來舊識途
清幽却喜遠街衢
主人不受閑花草
惟見芸編積滿厨

雨後偏宜坐石床
竹陰消受午風涼
微嫌院小雲光少
更勸開窗拓短牆

盆松幾本足怡顏
萬紫千紅盡可刪
悟得須彌如芥子
眼前卷石即高山

題嚴果亭歸耕圖

廿載飽風塵
高懷馱車馬
樂在山水間
此意難抒寫
思

歸繪小圖丰致何瀟洒竹杖與芒鞋恍似耕耘者秋稼
滿前村春花明四野西湖我舊遊依稀入夢也題句送
行舟江干酒同把他年若訪君應向長松下

題獨寐老人照

憶昔考槃詩獨寐甘永矢邁軸有餘閒托跡遠塵市何
為畫中人取意亦如此傳聞少壯時才華冠鄉里于今
髮星星年踰七十矣精神猶矍鑠逍遙寄杖履書香本
家傳服官有令子蘭署奉晨昏天倫真樂只老人自高
尚繁華非所喜暇日居園亭心賞惟書史家山在武林

迢迢隔雲水屈指數舊遊歲月知凡幾六橋與三竺依稀來夢裏逸興作斯圖摹寫足清美我今一展視恍如親容止定知享大年壽與松喬似雖以獨寐名碩人安足擬

和錢香樹前輩韻

欲圖雅會急揚舠一棹遙飛野外汀却喜重逢當暮雨先言久別似晨星輸公遣興詩盈口愧我勞形吏滿廳不得攜筇同眺覽深秋何計謝山靈

時遊寒山香樹未往

聞近舟邊倒屣迎翩然杖履晚風輕每追往事渾疑夢

一接清談似解醒看菊又教虛令節銜杯那得慰離情
來朝再過吳江道回首應還氣未平

先生曾因和詩有
敗于吳江道上之

和嵇拙修宗伯韻

自笑詩成信口占每逢良友興頻添閒遊自覺閒人好
樂志誰如樂事兼念舊多君接錦繡調羹愧我乏梅鹽
漫言林壑全無分扶杖尋幽老更忺

臭味相投勝似蘭共持杯酒向河干黃花又近重陽節
白髮難追舊日歡自有情懷耽水月何須珍錯佐盤餐

新詩展誦神逾爽時覺清芬在舌端

重陽日楓橋舟中留別莊滋圃中丞仍用和香樹
韻

東風不住促歸舠送我依依過小汀
九日登臨誰把酒
長途跋涉又披星
童遊僧舍留新爪
共坐槐陰憶舊廳
老去情懷都漸減
不惟詩句欠空靈

小駐吳門倦送迎
揚帆頓覺此身輕
驚心白菊添秋色
到眼青山醒宿醒
一曲笙歌前日夢
幾番歡笑故人情
停杯又向楓橋去
正值風恬碧水平

吳門返棹以斯文精萃序質之子才承寄詩代柬
依韻和之

征帆纔返自金閭一月離懷少報章菊又將開誰把酒
詩雖先到未登堂閒情早已推高雅秋色還須愛老蒼
空谷幽蘭徵夢久佳音應在小春陽

徧將古籍細評論始信文章果有神衣鉢已難思往日
嫁裳終是為何人老年得暇仍勤學良友相期在輔仁
不繫舟邊勞望眼肯教步履踏輕塵

疊前韻

吟懷半月隔吳閭，纔解征鞍接贈章。
小病經秋依菊圃，新詩隨鴈落書堂。
人當白髮情彌篤，山帶閒雲色更蒼。
料得芒鞋消遣處，芙蓉花外步斜陽。

選政誰撻且莫論，芸編翻處總怡神。
興來覓句輸才子，老去關心望後人。
笑我無端還把卷，于師不讓在當仁。
子才舊詩有當仁不肯讓先生之句
何時過訪抒離緒，三徑先教一掃塵。

又疊前韻敘吳門道中景況

途經鐵甕與金閭，無限情懷入短章。
只見旌旄來數數，那知歲月去堂堂。
天高雲疊峰巒翠，秋老花如鬢髮蒼。

不是山人勤問訊幾忘時令過重陽

過眼風光未足論每因登眺長精神曾將黃菊花前句
又敗吳江道上人昨在吳門又與香樹唱和性愛看山衝暮雨歌聽
納稼感

皇仁未能免俗君應笑小隊歸生滿路塵

問子才病即用其口占韻

笑我為山尚未成

時于西園又作小山

無端又費匠心營偷閒不

減尋花興問病還添憶友情字看斜行知意懶詩來好
句定神清西園正寄吟箋去忽聽遙天雁一聲

子才病中以五絕句見寄走筆和之

秋來風雨任瀟瀟老樹雖寒葉不凋却笑無端忘肉味
幾番詩到似聞韶

北窻高卧氣猶雄兩地全憑尺素通時上西樓勞望眼
碧山深處淡烟籠

盤餐曾餽可分嘗問訊還為送酪漿病後精神須愛惜
漫因覓句又搜腸

來去時時鬪彩箋峯頭遙望髻雲蟠碩人獨寐香清句
多恐羣花不肯看

文戰吳江曾幾次詩翁已敗莫談詩耽吟豈是當仁事
何必爭先不讓師

和子才歸途有作

聯吟不覺興頻加坐對西窗月映紗白髮惟看秋圃菊
幽情只愛故山花病餘人怯松風冷別後詩成石徑斜
應笑師門緣底事寒更屢轉未還家

疊前韻

且喜精神分外加老來倦眼未籠紗推窗共愛長圓月
時十倚檻還看自種花笑聳吟肩三鼓盡題留小楷數
五夜

行斜輪君到處耽酬唱為問知音有幾家

和李鶴峯學使遊攝山韻

名山十載作相知聞愛青松繞綠池又一停車憑眺覽
有誰曳杖共扶持途逢暮雨花開少節過重陽客到遲
更向峯頭添曲水忙中好景可全窺

納稼村村尚未齊來遊應傍嶺東西風寒古寺秋將老
葉落空山鳥亂啼感舊定憐前夢杳裁詩又對夕陽低
知君步到雲深處翠壁千尋石作梯

祝熊滌齋前輩八十用袁子才韻

童顏渾似正青春鶴筭焉知再幾旬問齒輪公剛十載
論科先我更何人德能裕後貽謀遠老尚耽詩贈句頻
恰值寒梅初放日閒來緩步足怡神

時從水畔駐輕輿半畝方塘宛是湖早見仙芝生故里

又添人瑞入新圖滌齋家山產靈芝子曾為題三瑞圖心清那慣吟西子

時從武髮白應還憶小姑滌齋原籍江西誰似含飴多樂事醉

餘不藉衆孫扶

仲冬偕諸同事再遊攝山即事仍用前韻

風景依稀近早春前遊屈指幾經旬又從翠壁開生面

總覺名山是故人老衲應嫌迎送苦閒雲也笑去來頻
那堪過客分新舊往事低徊一愴神

彩虹橋畔暫停輿一水滌洄似小湖曲磴千尋飛冷瀑
青峯四面隱浮圖霜凝遠岸紅鷗舅日落寒天叫雪姑
誰說年衰清興減登高尚不藉人扶

戲和子才生女

人盼佳音至催詩記不清花雖銜雪出子尚待春生陶
瓦新燕舊良工喜又驚頻啼君莫厭雛鳳有先聲

甲申冬日招素子才秦礪泉蔣茗生西園小集茗

生賦詩四章依韻和之

西園門外客停車正值公餘靜晚衙拂檻清風來竹徑
隔林斜日透窻紗問年頭有新添雪到眼梅多舊種花
不繫舟邊人笑語渾忘別院鳥聲譁

日上花磚樹影深後先曾記步瓊林春回易惹遊仙夢

子才贈王生同詩有霓裳同憶遊仙夢之句

老去偏多感舊心益友忘形無

客主名山有約共登臨

時有遊攝山之約

清談不倦難分手頻

剪寒燈夜漏沈

坐擁芸編樂不疲箇中自趣寸心知文從千古欣同賞

時看新刻
斯文精華
酒到三更醉尚持是處鴻飛留印爪經年樹
老發新枝此番雅會良非偶莫負幽齋月上時
一官落拓舌為耕千里揚帆過石城折簡招賢來畫舫
論科回首憶蓬瀛名馳京國才無敵詩咏江天景倍清
自古交情稱有道不惟氣誼重師生

疊前韻

半林斜照駐輕車畫鼓聲中早放衙聞繪新圖人盪槳
茗生有歸
舟圖照
曾題佳句壁籠紗
子才向于蕭寺壁間見茗生詩甚慕之
三山
同作歸栖羽
子才與礪泉俱告歸
養茗生亦乞假回南
老圃還看晚節花小

集羣賢傾綠酒後堂絲竹靜無譁

子才舊贈詩有後堂直入無絲竹句

水竹縈迴曲徑深清風瑟瑟響寒林山光入座開青眼

蘭蕊當堦慙素心別有圖書供玩賞不妨臺榭緩登臨

時評看書帖未得遍遊園亭

月華明處湘簾捲雲外雙雙鴈影沈

剪燭談深興未疲老年最喜遇相知雲烟過眼渾難記
景物興歌不自持瑞雪偏沾紅葉樹瓣香終愛上林枝
圍爐且暢今宵話那問重來是幾時

故鄉豈必定歸耕暫卜幽居近北城適館何時開絳帳

問津有路接仙瀛

隨園山水清佳茗生居處相近

山看鍾嶺寒逾翠水

沂江源遠更清寧祇相傳衣鉢好還期細與話平生

時當歲暮簿領紛繁偶憶子才山居之樂不覺健
羨又疊前韻

安步從容可當車閑栽五柳似排衙堂前日永依萱草
架上書多罩碧紗風自終朝為掃徑山無一處不開花
柴門雖說人難到靜極偏宜鳥語譁

數椽結構綠陰深風景依稀似茂林遠鴈千行頻過眼
寒梅幾本是知心北窻醒後雲將返錦瑟彈時月正臨
池小波濤吹不起雙雙鷗鷺任浮沈

老馬途長力漸疲素心能得幾人知卅年宦海舟難繫
一卷芸編手尚持野鶴頻招多倦羽蒼松雖茂半虬枝
先期打點裁新句已近河橋贈別時

幽栖何必盡躬耕十畝芳園近石城只伴漁樵消歲月
翻嫌姓字遍寰瀛峯添小院連空翠水到寒天徹底清
更喜蘭芽徵瑞夢好沾朔雪待春生

和子才西園小集

寒宵共醉紫霞觴興到渾忘兩鬢霜問字人來多舊雨
歸田心遂為高堂鳥依深樹栖尤穩梅放空山冷自香

肯向忙中辜雅會每逢知己話偏長

瀛洲弱冠早知名自有文章海內驚白下近聯三益友

謫仙久作一蒼生酬詩不慣依人韻

子才不喜步韻

序坐還應

略世情却笑頭銜身外事底須記憶太分明

子才有難忘頭銜本

翰林之句

入座清光月滿除圍爐小閣共依於憐才豈在吟君句

對客時還索我書室邇仍嫌三里外風催不待五更餘

子才有五更結子要風催之句

白頭那有炎涼態更欲停杯一問渠才

子

謂予手書贈人詩冊勝于贈山人者似有炎涼之意故云

蠟屐時過忘主賓露芽試罷手旋分歸途倦眼迷青嶂
深逕柴扉鎖白雲漏靜遙知人半寢顏紅應覺酒微醺
朝來幾度傳箋去匹馬頻嘶隔院聞

西園小集後花下獨坐有懷子才仍疊前韻

前宵猶記共飛觴客散歸遲滿路霜花送清芬開小院
雁橫寒影過西堂每看遠岫雲難出頻讀新詩口正香
燈下不辭呵凍筆彩箋酬答話偏長

幽栖豈是薄功名猷說林深鳥不驚白髮時陪新弟子
青山也愛舊書生承懽誰似饒真樂舍肉還多見至情

子才每將食料得冰樓無底事橫琴坐對月輪明

近贈芝蘭種滿除巡簷采采孰相於窻前鳥靜聞歌枕

竹裏燈明夜讀書見面難如千里外論交喜過廿年餘

小倉也倣栖霞意聞又新添水一渠

隨園新開小池

連朝何處作嘉賓遙聽歡歌入夜分為惜韶光聯舊雨

屢教塵市度閒雲

聞與莊魏諸君作消寒會

詩同白雪人難和顏似

紅梅酒半醺可憶西園風景否又留佳話作傳聞

歲暮招子才觀劇仍用前韻

落日相招一舉觴寒村又踏板橋霜賓朋已散開新盞

絲竹初聞入後堂翠袖當筵年半老紅梅繞座語皆香
芒鞋有約來須晚為愛殘冬夜正長

梨園多半素知名曲度能教拍案驚握手依然前客主

論心別有舊師生

時周青原相陪

鄂君擁被思前話優孟登場

悟宦情

子才舊詩有鄂君翠被十年達又重看優孟登場日之句

霧裡看花憐老眼

任呼剪燭欠分明

轉眼椒盤偏歲除不聯舊雨孰相於知音屢見停杯聽
得句時還索筆書肉味曾忘三月久韶光倏過七旬餘
黃雞白日何須計難起玲瓏一問渠

何妨深夜再留賓聚會從無手不分六出終飄占歲雪
三更又送入山雲老來觀劇悲兼喜酒後興歌醒亦醺
遙憶柴門人到處數聲犬吠隔溪聞

元旦日子才過訪重留小飲因索食品仍用前韻戲贈
纔入新年又把觴階前積雪冷于霜頻聞宴客勞中饋
勉許調羹獻後堂鼎食雖誇東閣美菜根終讓北山香
歸謀只恐仍寬限有約平生日正長

香閨妙手已馳名索到嘉肴夢亦驚只見笙歌招弟子
何曾酒食饌先生荒莊點雪思前句

子才舊贈詩有真
似歲終飛瑞雪不

忘幾點到野笋堆盤感舊情三年曾更有東修將意

否年深記憶不分明

漸移隙影過庭除小閣相容半榻於阿好還留泥爪印

子才將予舊札裒于詩冊頻來祇載古人書時帶各種古帖共相品評望梅渴過

三冬盡畫餅饑仍五日餘子才許五日惟有吟箋全不

吝恰如水到自成渠

秦淮何處送為賓過把庖人等次分余屬子才品定諸家食品夜半

君如歸樹鳥春來我作渡江雲子將有迎鑒之行但逢雅會

詩須寄漫對新花酒過醺此曲清歌應記取老饕佳話

未前聞

子才見饋食品喜而有作仍用前韻

索食何曾是濫觴老饕等到滿頭霜一餐纔饜先生口
小試堪登作者堂漫把鹽梅誇宦味終輸葵藿有真香
人間遍數烹調手難向山厨較短長

羣花內助盡知名盛饌擎來舉座驚幾載荒莊勞悵望
于今久約見平生經營慘淡中閨力出納艱難弟子情
珍錯堆盤非意想高歌又唱月輪明

梅子將生渴漸除

子贈子才詩有望梅渴過三冬盡之句

恰逢僚友共相

於時西園宴客

因防味變還教僕

子才命庖人偕至

又恐名虛屢致

書美品雜陳春雪後齊省笑對酒樽餘為憐紅袖殷勤意親洒雲箋一謝渠

浮生誰主亦誰賓取與何須一介分惠我更添新竹筍

贈人免借碧山雲

子才舊贈詩有莫笑瓊瑤無以報除詩還有白雲多之句

愧將鳴

鹿重相報

前贈鹿脯子才回札有屢歌鳴鹿之語

聊致醇醪好共醺恰喜

新年饒韻事江城遠近又傳聞

乙酉新春再過棲霞和王生同韻

卷阿林壑近春陽點綴原非效色莊幾度登臨瞻

瘠藻重來遊豫望吾

王紅梅欲謝山容老白雪輕飄水榭涼十載經營慚小
補菲材舍此更無長

幽居岩畔重低徊無數峻嶒手自開每到偏教難作別
臨行能得幾回來時余將返都門竹園僧舍抽新笋石枕松根
蔭碧苔笑坐凌雲亭上問更從何處覓蓬萊

疊前韻

寒鴉無數叫斜陽故蹟仍傳僧紹莊每到林泉攜舊友
愧將塵土對空王烟凝遠黛千峯紫風入喬松萬壑涼

一自名山開闢後東南何地更爭長

何須花下數徘徊一到芳春處處開
山色依然千樹繞江聲原帶六朝來
身登翠壁疑新畫目送行雲坐綠苔
却笑留題僧寺句年深多半雜蒿萊

莊滋圃大司寇新承

恩命協贊綸扉暫附同舟長歌奉贈
仍用遊棲霞韻久識葵心向太陽
賡歌猶記義蒙莊和羹自昔資賢輔
染翰原應侍

聖王宦海多年頻聚散南邦幾度歷溫涼
綸扉入贊頭

猶黑紅藥花間日正長

底須往事重低徊每遇知音笑口開
短棹不妨還共濟
名山却惜未重來預牽別緒春前柳
暫步長堤雨後苔
約共槐廳先我去轉教千里望蓬萊

奉賀滋圃新參再疊遊棲霞韻

久知鳴鳳本朝陽

滋圃
伏之馬而

廷試策有不為立

賦筆凌

雲擬謝莊絳帳慙叨一日長瓊林曾占百花王
不虛民望為霖早共勵臣心似水涼
暫對蓬窻頻剪燭良宵話

舊引杯長

卅載關情首重回老年懷抱為誰開南邦駐節同三至
滋圃先曾提學江左後經兩任黃閣宣麻亦再來滋圃
開府余節鉞兩江亦三度矣曾任
閣學余亦協辦閣務今好句時歌鮮比雪春江初漲綠
同入相皆再來人也
于苔相期並佐揮絃理處處薰風拂草萊